

Dyddiadau ffenestri datgan diddordeb Ebrill 2023

Cynllun	Crynodeb	Dyddiadau ffenestri
<p>Cynllun Cynllunio Creu Coetir</p>	<p>Mae'r Cynllun Cynllunio Creu Coetir yn cynnig grantiau o rhwng £1000 a £5000 i ddatblygu cynlluniau i greu coetir newydd. Ar ôl i gynllun gael ei gymeradwyo gan Cyfoeth Naturiol Cymru mi fydd yn gymwys i dderbyn cyllid gan Lywodraeth Cymru i blannu coed a ffensio (Grant Creu Coetir).</p> <p>Mae gwybodaeth bellach ar gael yma: https://llyw.cymru/cynllun-cynllunio-creu-coetir</p>	<p>Ar agor trwy'r flwyddyn (yn amodol ar y gyllideb)</p>
<p>Grant Creu Coetir</p>	<p>Ar gyfer cynlluniau mwy (fodd bynnag, dim ond 0.25ha yw'r ardal leiaf, sy'n cynnwys parceli 0.1ha man lleiaf) a'r rhai nad ydynt yn gymwys ar gyfer y Cynllun Grantiau Bach – Creu Coetir.</p> <p>Mae angen Plan Creu Coetir ymlaen llaw. Mae cyllid ar gael drwy'r Cynllun Cynllunio Creu Coetir.</p> <p>Nid yw'r cynllun yn golygu colli taliadau Cynllun y Taliad Sylfaenol (BPS), a chynigir taliadau cynnal a chadw a thaliadau premiwm am 12 mlynedd, a chyfradd ffensio uwch o £5.56/m.</p> <p>Mae gwybodaeth bellach ar gael yma: https://www.llyw.cymru/grant-creu-coetir</p>	<p>22ain Mai 2023 – 30ain Mehefin 2023</p> <p>(Er mwyn gallu ymgeisio, bydd angen ichi gael cadarnhad o blun wedi'i ddilysu gan Cyfoeth Naturiol Cymru erbyn 10fed Mawrth 2023).</p> <p>Bydd ffenestr bellach yn agor ar gyfer ceisiadau ar 21ain Awst 2023</p>

<p>Grantiau Bach – Dechrau Busnes Garddwriaeth</p>	<p>Mae'r cynllun Grantiau Bach – Dechrau Busnes Garddwriaeth wedi'i gynllunio i helpu newydd-ddyfodiaid i'r sector garddwriaeth yng Nghymru drwy annog sefydlu busnesau garddwriaeth masnachol newydd, naill ai fel elfen arallgyfeirio o fewn busnes amaethyddol sy'n bodoli eisoes, neu fel menter newydd annibynnol. Drwy wneud hynny, bydd yn helpu i wireddu uchelgais Llywodraeth Cymru o Gymru fwy ffyniannus, gwyrdd a chyfartal. Bydd y grant yn annog defnydd o dechnoleg newydd a datblygol, gan ddarparu cyfleoedd i arallgyfeirio er mwyn creu ffrwd incwm arall ar gyfer busnesau fferm presennol yng Nghymru, sefydlu mentrau newydd gwledig, a chreu cyfleoedd cyflogaeth.</p> <p>Mae'r Grant Bach – Dechrau Busnes Garddwriaeth ar gael i unigolion neu fusnesau sydd am ymuno â'r sector garddwriaethol masnachol. Dyma nodau'r cynllun:</p> <ul style="list-style-type: none"> • annog sefydlu busnesau garddwriaethol masnachol newydd drwy gynnig cyllid sbarduno iddynt ar ffurf grant • lleihau ychydig ar y risg ariannol o fuddsoddi mewn menter newydd. • denu mwy o unigolion i ymuno â'r sector • annog y defnydd o dechnoleg newydd a thechnoleg sy'n datblygu mewn busnesau garddwriaethol • creu ffrwd incwm mwy amrywiol ar gyfer busnesau fferm yng Nghymru • sefydlu busnesau gwledig newydd, fydd yn creu gwaith a chyfleoedd i dyfu ac yn cynhyrchu bwyd lleol cynaliadwy • ymateb i Strategaeth Bwyd Cymunedol Cymru ac annog cyflenwi bwyd lleol yng Nghymru <p>Bydd angen i ymgeiswyr, sy'n cael eu dewis ar ôl Datgan Diddordeb, brofi bod eu prosiectau'n gynigion ymarferol sydd â'r potensial i ddatblygu'n fusnesau cynaliadwy.</p> <p>Mwy o wybodaeth: https://www.llyw.cymru/grantiau-bach-dechrau-busnes-garddwriaeth</p>	<p>11eg Ebrill 2023 – 20fed Mai 2023</p>
<p>Gantiau bach – Amgylchedd (Carbon)</p>	<p>Cynllun i gefnogi amryw o ymyriadau rheolaeth tir ac i ddarparu cyfalaf ar gyfer gwelliannau amgylcheddol ar ffermydd, i wella ansawdd adnoddau naturiol Cymru.</p> <p>Mae hwn yn gynllun ar wahân i gynlluniau eraill sy'n cynnig uchafswm grant o £7,500 fesul ffenestr ar gyfer Prosiectau Gwaith Cyfalaf. Bydd y rownd hon yn canolbwyntio ar y thema Carbon.</p> <p>Ni fydd parseli tir sydd eisoes yn rhan o gontractau Glastir yn gymwys.</p> <p>Mwy o wybodaeth: https://www.llyw.cymru/grantiau-bach-amgylchedd</p>	<p>22ain Mai 2023 – 30ain Mehefin 2023.</p>

<p>Grantiau Bach – Cynllun Creu Coetir</p>	<p>Ar gyfer plannu ardaloedd bach o goed dan 2 hectar. Mae'r cynllun hwn wedi'i anelu at ffermwyr a thirfeddianwyr eraill i'w hannog i blannu ardaloedd bach o goed ar dir sydd wedi'i wella'n amaethyddol neu sydd o werth amgylcheddol isel yng Nghymru, felly ni fydd angen cynllun creu coetir wedi'i ddilysu gan Cyfoeth Naturiol Cymru ar gyfer y ceisiadau hyn.</p> <p>Nid yw'r cynllun yn golygu colli taliadau Cynllun y Taliad Sylfaenol (BPS), a chynigir taliadau cynnal a chadw a thaliadau premiwm am 12 mlynedd, a chyfradd ffensio uwch o £5.56/m.</p> <p>Mae gwybodaeth bellach ar gael yma: https://www.llyw.cymru/grantiau-bach-creu-coetir</p>	<p>22ain Mai 2023 – 30ain Mehefin 2023</p> <p>Bydd ffenestr bellach yn agor ar gyfer ceisiadau ar 21ain Awst 2023</p>
<p>Cynllun Sbarduno Busnesau Bwyd</p>	<p>Mae'r cynllun hwn yn cynnig cymorth ar gyfer buddsoddiadau diriaethol a/neu anniriaethol mewn gweithgareddau prosesu sy'n dod â manteision clir a mesuradwy i'r diwydiant bwyd a diod yng Nghymru a'i gadwyni cyflenwi.</p> <p>Rydych chi'n gymwys i ymgeisio: Os ydych chi'n fusnes sydd wedi cofrestru ar gyfer TAW sy'n ymgymryd â phrosesau cynradd a/neu eilaidd mewn cynnyrch amaethyddol ac anamaethyddol, megis:</p> <ul style="list-style-type: none"> • cwmnïau cyfyngedig preifat a chyhoeddus • unig fasnachwyr a phartneriaethau • busnesau fferm sy'n prosesu cynnyrch amaethyddol • busnesau newydd, gan gynnwys hen fusnesau sy'n dechrau arallgyfeirio a busnesau sydd newydd eu sefydlu • cwmnïau nid-er-elw, cwmnïau cydweithredol a mudiadau cymunedol, cyhoeddus a gwirfoddol <p>Costau Cymwys Gellir defnyddio'r cymorth o dan y cynllun hwn ar gyfer asedau tiriaethol megis prynu a/neu ddatblygu tir, adeiladau, peiriannau, a chyfarpar, yn ogystal ag asedau anniriaethol fel meddalwedd gyfrifiadurol, hawliau patent, a thrwyddedau a ffioedd ar gyfer gwasanaethau technegol ac ymgynghori, yn amodol ar gyfyngiadau:</p> <p>Y grant mwyaf a roddir fesul menter ar gyfer unrhyw brosiect buddsoddi unigol yw £5,000,000 Y grant lleiaf a roddir fesul menter ar gyfer unrhyw brosiect buddsoddi unigol yw £20,000</p> <p>Mwy o wybodaeth: https://llyw.cymru/cynllun-sbarduno-busnesau-bwyd-canllawiau-html</p>	<p>Wedi agor ar 17eg Tachwedd 2022 a bob 4 wythnos detholir buddiolwyr llwyddiannus i'w gwahodd i gyflwyno cais llawn. Bydd y ffenestr yn aros ar agor nes bod y gyllideb a ddyrannwyd wedi'i defnyddio.</p>

<p>Grant Cyflawni – Adfer Mawndiroedd</p>	<p>Mae £500,000 o arian cyfalaf ar gael ar ffurf grantiau o £50,000 - £250,000 i unigolion a sefydliadau ar gyfer cyflawni prosiectau adfer mawndiroedd.</p> <p>Rhaid bod prosiectau sy'n llwyddo i gael Grantiau Cyflawni wedi'u cwblhau erbyn canol Ionawr 2025.</p> <p>Mae'r Grant Cyflawni hwn yn addas ar gyfer unrhyw ymgeisydd sydd â chynllun yn barod i'w roi ar waith i adfer mawndiroedd.</p> <p>Mae'r holl fanylion a'r broses ymgeisio ar gael ar y we-dudalen Rhaflen Weithredu Genedlaethol ar Fawndiroedd.</p> <p>Cynhelir gweminarau i esbonio'r broses ymgeisio ar Teams ar 24/4/23 (11:30am Saesneg a 2pm Cymraeg) a gellir cofrestru yn Gymraeg a Saesneg. Llwythir recordiad o'r gweminarau ar-lein er mwyn gallu cyfeirio atynt yn y dyfodol.</p> <p>Dylid anfon unrhyw ymholiadau am y grantiau a'r broses ymgeisio i: grants.enquiries@cyfoethnaturiolcymru.gov.uk.</p> <p>Dylid anfon unrhyw ymholiadau penodol am fawndiroedd i: NPAP@cyfoethnaturiolcymru.gov.uk.</p>	<p>31ain Mawrth 2023 – 1af Gorffennaf 2023</p>
-------------------------------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------